

進賢縣志卷六

賦役

進賢幅壤二百餘里山去其一水居其半可畊之田僅三之一焉況又南苦旱而北苦潦東西鄉界旱潦之間地瘠民貧終歲勤動僅能自給自有明三百年來賦役繁重洎入聖朝蠲租減賦一洗煩苛而後維正不缺於供萇楚不嗟于室矣今志賦役而始之以

恩諭終之以浮糧始末者亦以見鑿井畊田長享樂利不可不思其所自也其他一以田賦爲主田賦則以現行規則爲主而凡宋元以來可考之制亦以類附見焉

進賢縣志

卷六

賦役 恩諭

一

賦役

恩諭 戶口

恩諭

康熙三十年

上諭朕撫馭區宇三十年以來早夜圖維惟以愛育蒼生爲念今觀歷年儲積恰足供用應將起運漕糧逐省蠲免自康熙三十一年始以次各蠲免一年江西屬縣于三十二年癸酉蠲免康熙四十五年

上諭朕念賜租減賦實有裨益於民生各省錢糧次第全蠲一年者業經數舉獨是歷年逋負積累加增舊稅新徵勢難兼辦

縱使少寬民力分年帶徵而督令續完仍多拮据朕睠懷及此深切軫恤是用蠲逋已責大沛 恩膏俾閭閻獲免追呼官吏亦不罹叅罰今各省自康熙四十三年以前未完地丁銀二百一十二萬二千七百兩有奇糧十萬五千七百石有奇着按數通行豁免或舊欠已完而現年錢糧未完足者亦准抵扣

康熙五十一年

上諭朕宵旰孜孜勤求民瘼永惟惠下實政無如除賦蠲租除每歲直省報聞偶有水旱災傷照輕重分數豁免正供仍加賑卹外將天下地丁錢糧自五十年爲始三年之內全免一週使率地黎庶普被 恩膏其歷年舊欠亦並着免徵各該督撫務

進賢縣志

卷六

賦役 恩諭

二

須實心奉行體朕軫念民生至意諭旨到日立即徧示城郭鄉邨咸使知悉江西屬縣于五十二年癸巳蠲免

康熙五十二年

上諭新增人丁永不加賦自後各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦

康熙五十六年

上諭朕撫馭寰宇五十餘年夜寐夙興爲小民勤求生遂凡率土遠近皆期共享樂利聿成家給人足之休未嘗一日不履諸懷也數十年以來各省正賦屢經全免歷年積欠亦已蠲征偶

有雨澤愆期或發倉廩散給或截漕糧賑救不惜數萬萬金錢米穀頻沛恩施誠念窮簷之艱慮其至於顛連失所耳近者民力雖已稍紓然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足朕每懷及此軫惻良深宜更加殊恩通行豁免今將直隸安徽江蘇浙江江西湖廣西安甘肅八處帶征地丁屯衛銀概免徵收爾部卽行文該督撫嚴飭所屬實心奉行徧加曉諭俾民間無催徵之累均沾實惠用稱朕撫卹羣黎至意

雍正四年

上諭朕覽戶部奏銷本章見恩詔內賞給老人一項直隸各省進賢縣志

卷六

賦役 恩諭

三

七十以上至百歲以上老民老婦共一百四十二萬一千六百二十五名賞給絹布等件價銀共八十九萬餘兩米一十六萬五千餘石等語凡此老人但就民人而言如仕宦紳士商僧道皆不入此數之內洪範以壽居五福之首而昔人稱七十爲古稀誠以壽爲難得而可貴也乃今日老人之多至于如此皆由我

皇考聖祖仁皇帝六十餘年以來深仁厚澤休養生息凡山陬海澨僻壤窮鄉無不沐浴

鴻慈涵濡大化太和翔洽壽國壽民所以期頤耄耄龐眉皓首之人至數百餘萬之多所謂老者以壽終幼孤得遂長者皆我

皇考之賜也從此益加培養日積月累則民間之享高年介眉壽者更不知如何之衆矣此等老人躬際昌明年登上壽大抵皆居心忠厚力行善事之人卽有一二年少時未盡醇謹者亦必中年暮齒能自悔悟之人蓋一念修省卽荷

上天福祐也是國家有培養之恩而由本人能修善以祇承之非倖而致之者也爾等百姓觀百年之盛事當歡忻鼓舞謹身修德以迓天庥父與父言慈子與子言孝兄弟友恭夫婦和順比閭族黨之間相親相愛無詐無欺葦薄從忠循分守法盡除乖戾之氣爲國家淳朴善良之民則天地祐善錫福長享遐年此必然之理也但生齒日盛食指繁多則謀生之計不可不講

爾等百姓當重農桑以順天時勤開墾以盡地利務本業以戒遊惰謹蓋藏以裕久遠而且節省食用愛惜物力毋縱奢侈毋競紛華毋任意靡費以耗有用之財毋但顧目前而忘經久之計朕以勤儉先天下官禁之中於食餘之物皆不忍棄必令人檢取收貯之數年以來所貯米粟已至數十石之多朕臨御萬方尚多方樽節愛養以爲加惠元元之本爾等小民安可縱口腹之所欲而忘物力之艱難乎爾等誠能體朕諄諄訓誨之意敦善行則心體安務本計則俯仰足惜財用則家室裕人心和樂風俗醇美同爲壽考之人長享昇平之福豈非朕之所厚望哉着該部將朕此旨轉發直省督撫通行所屬郡邑鄉村咸使

聞知特諭

雍正七年

上諭直省各處富戶其爲士民殷實者或由於祖父之積累或已身之經營操持儉約然後能致此僥裕此乃國家之良民也其爲鄉紳有餘者非由於先世之留遺卽已身之俸祿制節謹度始能成其家計此乃國家之良吏也是以紳衿士庶中之家道殷實者實居五福之一而爲國家所愛養保護之人則爾等本身安可不思孳孳爲善以永保其身家乎夫保家之道若奢侈糜費固非所以善守而慳吝刻薄亦非所以自全周禮以鄉三物教萬民有曰孝友睦婣任卹可知公財行惠任卹之義與進賢縣志

卷六

賦役 恩諭

五

感富戶之情居常能緩急相周有事可守望相助枝求之念既忘親睦之心必篤豈非富戶保家之善道乎從來家國一理若富戶能自保其身家貧民知共衛夫富戶一鄉如此則一鄉永靖一邑如此則一邑長寧是富戶之宣力於國也朕臨御以來屢經人條奏民間貧富不均請行限田之法乃至逆賊曾靜私著謗書謂方今輕徭薄賦惟利今豪強兼併之家與貧民無涉非復行井田不能養贍百姓等語朕思此語惟謬支離之說乃理勢所萬不能行者夫天下富者一而貧者百以一人之有餘欲濟衆人之不足貧者未必便能成立而富戶無辜已受摧殘矣此乃懷欲窮天下之賊論有此情理乎朕既知其必不可行

原本

進賢縣志

卷六

賦役 恩諭

六

若但今地方出示曉諭陽奉陰違朕實恥而不爲若以不能行之事委之各省督撫以示德於貧民使之感朕恩意而以奉行不力之故歸怨於各督撫等又朕所不忍爲者是以特頒諭旨告誡爾等富戶爲富戶者當知已之得於天者甚厚當存濟人利物之心行救困扶危之事敦睦宗族周卹鄉鄰下逮佃戶佃工皆加惠養則人人感其德意即可消患於未萌況積善之家必有餘慶種福果於天地之間子孫必長享豐厚豈不美歟着各省督撫將朕此旨通行該屬之鄉紳士民人等共知之料朕赤子良民必不負朕期望之誠意也特諭

雍正八年

上諭民間借貸一事所以通彼此之有無濟一時之緩急意本善也乃有貪利營私之徒往往乘人匱乏勒索重息如借貸米穀則不但加三起息竟有加五或多至加倍者小民偶爾窘迫止顧目前及禾稼登場終歲勤苦之所獲不能復爲已有雖豐稔之歲僅足供償債之需一遇歉收之年則束手無策必至息上起息累年不能楚結且貽累於子孫而挾貲射利乘急多取者視爲固然全無矜憐憫惜之意貪饕爲性澆薄成風此亦人心世道之患也夫緩急人所時有周禮三物六行孝友睦婣而繼以任卹蓋州里族黨有急則相倚任有困則相賑恤此鄉鄰風俗之美王化所先而其人以忠厚居心亦所以長享福澤於進賢縣志

卷六

賦役 恩諭

七

弗替此卽仰邀

天地神明賜佑休徵之根本也從來窮通貧富境遇不常幸而富厚有餘是

天之待我獨厚則當思濟人利物恤災扶困以廣行善事仰答天恩若以

天之厚我者持以爲剝削貧民之具不但

上天鑒臨必加譴責卽返之於心亦忍爲之乎凡屬貪鄙之人利令智昏以爲如此可以致富獨不思貧富有一定之數善惡有不爽之報假令爲富不仁者皆得擁厚貲以長子孫則樂善好施者必至匱乏終身矣自古迄今有此天理乎嘗觀不義之

財得之若易乃享受未久或耗於意外之災患或敗於不肖之後人是知刻薄之行損人適以自損仁厚之風利人還以自利也此種盤算薄惡之俗若不曉諭化導遽以官法繩之又恐轉阻貧民借貸之路故特將天道循環之理委曲開導啟其良心挽其敝俗凡有借貸銀錢米穀者二分三分起息尚屬情理可行若太多則誠爲富不仁矣着地方有司將天理人心時時訓諭以化其殘忍刻薄之習倘勸導既久而下愚頑惡之性不肯改移尚有重利盤放者則訪確一二人加以懲治以警其餘如此庶惡習可以轉移貪風可以止息矣如有無藉棍徒因朕此次勸導之訓諭或借端圖賴或生事強借以擾害良善溫飽之家者尤當加以重懲不可寬貸此全賴地方有司奉行勸導之公當勤誠也

雍正八年

上諭朕臨御萬方宵旰勤求惟以愛養斯民爲念數年以來除租減稅疊沛恩膏不但旱澇歉收之處蠲賑兼施卽該省年穀順成不須寬賦朕每加格外之恩查各省錢糧朕特降諭旨蠲免者已多今次第舉行應及於江西湖北湖南三省額徵錢糧各蠲免四十萬兩

乾隆十年奉

上諭乾隆丙寅年直省應徵錢糧通行蠲免其如何辦理之處

着大學士會同該部卽速定議具奏經大學士戶部議覆江西省地丁錢糧于十三年戊辰蠲免

乾隆三十年奉

上諭乾隆丙戌年直省應徵漕米通行蠲免其如何辦理之處着大學士會同該部卽速定議具奏經大學士戶部議覆江西省漕米于三十三年戊子蠲免

乾隆三十四年奉

上諭乾隆庚寅年直省應徵錢糧通行蠲免其何如辦理之處着大學士會同該部卽速定議具奏經大學士戶部議覆江西地丁錢糧于三十六年辛卯蠲免

進賢縣志

卷六

賦役 恩諭

九

乾隆四十二年奉

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬着再加恩自戊戌年爲始普蠲天下錢糧仍分三年輪免俾寰宇億兆人民仍得共被

慈恩永申感慕而朕終天罔極之忱雖不能仰酬萬一庶幾藉

茲稍展其如何輪派年分着戶部卽速悉心核奏遵行欽此經部議覆江西錢糧于庚子年蠲免

乾隆四十三年奉

上諭乾隆己亥年着再加恩普免天下錢糧其如何辦理之處該部妥議速奏旋經議覆江西各府漕糧於五五十一兩年輪免乾隆四十七年經巡視東漕御史疏奏江西湖廣漕船最後回空遲滯請將五五十一兩年改於四十八九兩年停運奉

旨着照所請行

道光十四年正月初五日內閣奉

節錄謄黃

進賢縣志

卷六

賦役 恩諭

十

上諭上年江西省南昌等二十二縣被淹均已隨時加恩分別蠲緩錢漕賑卹加賑借給挑復工本籽種房屋修費小民諒可無虞失所惟念今春青黃不接之時民力未免竭蹶所有進賢縣被水田地無力農民着加恩酌給籽種借給一月折色口糧照例於秋成後免息徵還

道光二十五年八月初三日奉

上諭朕勤求民隱子惠元元自御極以來蠲賦緩徵恩膏迭沛所願人安樂利戶裕蓋藏俾閭閻日臻康阜因念各省民欠錢糧自道光十五年降旨蠲免後計期已逾十稔本年

恭逢

聖母皇太后七旬萬壽海寓又安民物豐豫允宜推廣

慈恩覃敷閭澤用昭錫類之仁所有各省節年正耗民欠錢糧及因災緩徵帶徵銀穀並借給籽種口糧牛具及漕項蘆課學租雜稅等項着各該省督撫將軍將伊等將道光二十年以前實欠在民者詳悉查明該省所屬某州某縣銀穀若干速行開單具奏候朕降旨全行豁免並着先將此旨刊刻謄黃徧行曉諭務使城市村鄉咸喻朝廷德意毋任官吏胥役等延擱侵漁致滋弊竇期吾民休養生息孝弟力田比戶可封催科不擾用副朕延

輦駕祐申錫無疆至意該部卽遵諭行欽此

進賢縣志

卷六

賦役 恩諭

十一

咸豐八年正月初九日內閣奉

上諭著 奏查明被賊竄擾地方請將應徵錢漕分別蠲緩一摺江西等州縣咸豐五六兩年或被匪蹂躪或聞警遷徙若將應徵錢漕照常征收民力未免拮据加恩着照所請所有進賢縣之一二三四五六七都上八都下八都九十一一十二十三十四十五十六十七十八二十二等都上三十七八都六隅等處應徵六年地糧除隨漕外實在民欠銀六千三十七兩零漕米七千七百七十五石零均着緩至七年秋後分作兩年帶征又進賢縣五年原緩錢漕着遞緩至七八兩年帶征以紓民力該撫卽刊刻謄黃徧

行曉諭務使實惠均沾毋令吏胥舞弊用副朕軫念災黎
至意餘着照所議辦理該部知道欽此

咸豐九年正月二十一日內閣奉

上諭者齡奏查明各屬被賊滋擾地方應征錢漕懇請分別蠲
緩一摺江西省節年被賊竄擾各府州縣窮黎多未復業
若將各年錢漕照常征收民力未免拮据加恩着照所請
所有進賢縣六年被擾原緩銀米着遞緩至九十兩年帶
征進賢縣五年被擾原緩銀米着遞緩至十年十一年帶
征以紓民力該撫卽刊刻謄黃徧行曉諭務使實惠均沾
毋任吏胥舞弊用副朕軫念民艱至意該部知道欽此

進賢縣志

卷六

賦役 恩諭

三

各年蠲緩細數

一道光二十六年被旱緩徵地丁銀伍千肆百柒拾柒兩叁錢

陸分玖厘 內除二十七年帶徵地丁銀壹千叁百陸拾玖

兩叁錢肆分叁厘 外

實餘剩緩徵地丁銀肆千壹百零捌兩零貳分陸厘

一道光二十七年被水緩徵地丁銀壹千肆百伍拾叁兩貳錢

捌分肆厘

二十八年被水蠲剩緩地丁銀伍千叁百肆拾陸兩柒錢

柒分伍厘

二十九年被水蠲剩緩地丁銀伍千玖百捌拾貳兩伍錢

捌分陸厘

以上各年蠲緩各年地丁恭逢道光三十年

恩詔豁免

一道光三十年被水緩徵地丁銀壹千肆百陸拾玖兩肆錢陸分玖厘

一咸豐元年被水緩徵地丁銀壹千肆百柒拾肆兩伍錢玖分捌厘

二年被水緩徵地丁銀貳千捌百壹拾捌兩伍錢叁分伍厘

三年被水緩徵地丁銀壹萬壹千壹百貳拾捌兩玖錢肆

進賢縣志

卷六

各年蠲緩細數

十三

分貳厘

四年被水緩徵地丁除五年帶徵外寔餘銀陸千肆百零柒兩伍錢壹分陸厘

五年被水被擾緩徵地丁銀伍千玖百捌拾兩零貳錢肆分捌厘

六年被旱被擾緩徵地丁銀玖千伍百叁拾捌兩捌錢伍分貳厘

七年被水緩徵地丁銀壹萬壹千陸百玖拾捌兩壹錢陸分陸厘

八年被水緩徵地丁銀伍千柒百貳拾肆兩零肆分肆厘

九年被水緩徵地丁銀柒千叁百零貳錢叁分
以上緩徵各年地丁銀兩恭逢咸豐十年

恩詔豁免

改折章程部文附

進邑漕糧於咸豐十一年辛酉九月二十三日奉

署

布政使司李
督糧道吳

會札開本年九月初九日奉

總督部堂曾
巡撫部院毓

會札發會銜告示曉諭花戶以通省漕糧減

折定價徵收以昭畫一所有進邑未完十年及十一年應完漕
米遵照省章程每漕米壹石折收十足錢叁千文統限到百兩
月內完竣此案係爲十年十一年漕糧完價辦法至壬戌年以

進賢縣志

卷六

改折部文附

十四

後或應脩部價或運米解京仍無一律或各屬稍爲區別至壬
戌秋後再行曉諭永遠遵行所有現定改折每漕米壹石折收
十足錢叁千文以現在省城銀錢市價合庫平紋銀壹兩捌錢
伍分肆厘除應解部價壹兩叁錢外應提津貼軍餉銀貳錢隨
解糧庫分撥糧臺充餉外餘銀叁錢伍分肆厘以貳錢捌分肆
厘爲該州縣官吏火耗解費辦公等費以伍分爲該管知府辦
公經費以二分爲糧道辦公經費

又同治元年七月初十日奉

布政使司李 行奉

總督部堂曾
巡撫部院沈

札發會銜告示曉諭丁漕立定永遠章程通飭

州縣遵照辦理

一漕米壹石徵庫平紋銀壹兩玖錢除應解道庫部價銀壹兩叁錢津貼軍餉銀貳錢外其餘銀肆錢以叁錢叁分爲經徵州縣官吏火耗解兌辦公等費以伍分爲該管知府辦公經費以二分爲糧道辦公經費一州縣經徵丁漕兩款皆有辦公經費至前此捐攤各款分別奏咨豁免辦差及餽贈諸項概行停革院試府試歲科兩考向由州縣承辦者現在另籌經費均候續札飭知該縣會同紳耆妥議稟覆茲於本年八月十八日據各都紳士舉人舒道胡景辰貢生梁棟廩生周志昉生員金石聲吳照書等公同悉心進賢縣志

卷六

改折部文附

十五

道伏乞轉詳立案永遠遵行等情稟覆到縣當經星前任將議覆事欵銀數據情轉詳藩糧府憲奉發批示所議均屬妥協准其立案彙詳

一解道庫撥充根基每米壹石應提津貼軍餉銀貳錢已於同

治五年四月間奉藩糧憲會詳札飭改爲提補捐欵銀

貳錢仍解道庫

戶口

原額人丁婦女共陸萬壹千伍百伍拾肆丁口內優免人丁壹千叁百陸拾伍丁各派征不等原編起存各欵銀共陸千柒百玖拾

陸兩貳錢伍分貳釐柒毫內於順治拾壹年題准開除逃亡復

進賢縣志

卷六

賦役 戶口

夫

於拾叁年新收抵補外實際除柒千捌百貳拾玖丁口該銀捌百叁拾兩肆錢貳分柒釐貳毫

自康熙元年起至康熙伍拾年正共新收抵補人丁伍百肆拾陸丁婦女叁百壹口共抵補過銀壹百壹兩玖錢貳分陸釐尚缺人丁叁千捌百陸拾貳丁婦女叁千壹百貳拾口共缺銀柒百貳拾捌兩伍錢陸釐陸毫

現在原編完賦男婦共伍萬肆千伍百柒拾貳丁口共應編銀陸千陸拾柒兩柒錢肆分陸釐壹毫

一人丁原額叁萬伍千伍百壹丁每丁編銀壹錢捌分貳釐肆

毫肆絲貳忽叁微玖纖

原共編銀陸千肆百柒拾陸兩捌錢捌分柒釐叁毫內除原逃亡肆千肆百捌丁該減銀捌百肆兩貳錢陸釐壹毫節屆編審新收人丁抵補過伍百肆拾陸丁抵補銀玖拾玖兩陸錢壹分叁釐陸毫尚缺逃亡叁千捌百陸拾貳丁減銀柒百肆兩伍錢

玖分貳釐伍毫

現在人丁叁萬壹千陸百叁拾玖丁計編銀伍千柒百柒拾貳兩貳錢玖分肆釐捌毫

一婦女原額貳萬肆千陸百捌拾捌口每口編銀柒釐陸毫陸

絲肆忽柒微陸纖

原共編銀壹百捌拾玖兩貳錢貳分柒釐陸毫內除原傷亡叁千肆百貳拾壹口該減銀貳拾陸兩貳錢貳分壹釐壹毫節屆編審新收婦女抵補過叁百壹口抵補銀貳兩叁錢柒釐尚缺傷亡叁千壹百貳拾口減銀貳拾叁兩玖錢壹分肆釐壹毫

現在婦女貳萬壹千伍百陸拾捌口計編審銀壹百陸拾伍兩

叁錢壹分叁釐伍毫

原優免人丁壹千叁百陸拾伍丁每丁編銀玖分伍釐叁毫叁

進賢縣志

卷六

賦役 戶口

十七

絲玖忽伍纖

計共編銀壹百叁拾兩壹錢叁分柒釐捌毫又於順治拾肆年奉文補徵免外扣解不准紳衿優免丁銀肆拾陸兩肆錢陸分玖毫

共計丁口銀陸千壹百壹拾肆兩貳錢壹分

雍正伍年奉文攤派通省地糧內均勻攤徵現應減徵銀叁千陸百捌拾兩捌錢叁分陸釐

實徵丁銀貳千肆百叁拾叁兩叁錢柒分肆釐仍俟伍年將增減各數照例均

攤

又康熙伍拾貳年欽奉

恩詔以伍拾年丁冊定為常額續生人丁永不加賦

自康熙伍拾年起至乾隆叁拾陸年各屆編審除新收抵補開除外實共

盛世滋生人丁壹千叁百玖拾伍丁婦女叁百叁拾柒口俱遵
恩詔永不加賦其婦女于乾隆十一年人丁于三十七年先
後奉文停止編審以上嘉慶十八年全書
同治年間戶口

烟戶陸萬玖百叁拾柒戶

男大丁捌萬壹千陸百捌拾貳丁

小丁伍萬陸千柒百柒拾陸丁

婦大口伍萬捌千肆百捌拾口

小口貳萬肆千柒拾玖口

總共貳拾貳萬壹千零壹拾柒丁口

附前代戶口

進賢縣志

卷六

賦役 戶口

六

宋土著戶貳萬貳百陸拾玖客貳千肆百陸拾共貳萬貳千柒
百貳拾玖戶

土著口叁萬叁千客肆千陸百叁拾共叁萬柒千陸百叁拾口

元戶壹萬捌千玖百陸拾肆 口柒萬貳千壹百叁拾

明洪武十四年戶壹萬捌千壹百伍拾貳 口玖萬玖千叁百

捌拾叁

二十四年戶貳萬貳千叁百陸拾伍 口壹拾肆萬貳千叁百

萬曆三十六年戶叁萬肆千叁百貳拾伍 口陸萬壹千伍百

伍拾肆內人丁叁萬陸千捌百陸拾陸丁除優免丁壹千陸百

陸拾壹丁實編差人丁叁萬伍千貳百伍丁每丁派四差鹽鈔

銀壹錢陸分捌釐貳毫肆絲陸忽肆微陸纖其優免增減聽糧

道每年派單

婦女貳萬肆千陸百捌拾捌口每口派鹽鈔銀柒釐陸毫陸絲肆忽柒微陸纖

同治年間續查進賢縣烟戶六萬九百叁拾柒戶

男大丁捌萬壹千陸百捌拾貳丁

小丁伍萬陸千柒百柒拾陸丁

婦大口伍萬捌千肆百捌拾口

小口貳萬肆千柒拾玖口

總共貳拾貳萬壹千零壹拾柒丁口